



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Theologia Moralis**

Antehac Ex Probatis Auctoribus breviter concinnata

**Busenbaum, Hermann**

**Coloniae Agrippinae, 1713**

Q. 147. Quomodo in peccatis contra 8. præceptum.

**urn:nbn:de:hbz:466:1-42624**

vel Sacerdotis possidentis illam suo & non Ecclesiæ nomine, quamvis haberet titulo Ecclesiastico, v. g. ex redditibus Beneficii vel propter Baptismum infanti collatum, talia enim habent se uti res profanæ, cum nec in se sint sacræ, nec ideo violetur aliquis locus sacer, vel aliqua persona, aut immunitas Ecclesiastica, *Dian.* R. 27. *Tamb.* De conf. l. 2. c. 8.

**1093** §. 9. Si quis rem sacram & è loco sacro furetur, *Vasq. Fagund.* & alii cum *Dian.* dicunt manere unum specie sacrilegium, quia & rei & loci sacri violatio soli Religioni opponitur: E contrà *Lugo* d. 16. n. 471. *Oviedo* n. 302. *Dicast.* n. 663. *Bonæspei* n. 82. probabilius dicunt esse duo specie sacrilegia in Confessione distinguenda, unum contra immunitatem loci sacri, alterum contra sanctitatem rei sacræ, sicuti sunt duo specie sacrilegia, si Clericus occidatur in loco sacro.

**1094** §. 10. *Less.* De just. l. 2. c. 45. dub. 3. putat furtum vel usum profanum rei per votum Deo promissæ esse sacrilegium, sed probabilius contradicunt *Laym.* & *Oviedo* n. 34. usque dum res sit tradita & dicata ad sacrum usum, sicuti enim qui vovit intrare Religionem vel suscipere Sacerdotium, non ideo est sacrilegus, si peccet contra Castitatem, quia necdum est consecratus Religioni, nec sacratus per Ordinem, ita & hic.

**1095** Q. 147. Quomodo distinguenda sit species in peccatis contra octavum præceptum. R. §. 1. Mendacium circa res fidei, v. g. si quis præscindendo à verbo Dei dicat Jobum habuisse quatuor filias, cum sciat habuisse tantum tres, per se loquendo, est veniale tantum, *Salas.* Arr. De pecc. d. 21. l. 1. & alii apud *Lugo* De fide d. 14. l. 3. qui

qui in eandem sententiam inclinat, non enim  
apparet, unde refunderetur species gravis ma-  
litiae. Si tamen significaret Deum locutum esse  
aliquid falsum, esset gravis blasphemia, uti per  
se patet.

§. 2. Judicium temerarium specie distin- 1096  
guitur à detractione, secundum dicta l. 3. p. 2.  
num. 1188.

§. 3. Probabile est, quod falsum crimen im- 1097  
ponere, & revelare verum, quod occultum est,  
sint ejusdem speciei in ordine ad confessio-  
nem, Mol. Lugo Dę just. d. 14 s. 2. Tamb. De  
conf. l. 2. c. 9. n. 5. & consequenter satisfit di-  
cendo, bis graviter detraxi, quia species men-  
daciæ, quæ in primo est, non est mortalís, nisi  
ratione injuriæ, quæ satís explicatur. Fatendum  
tamen est cum Nav. & Sporer in 8. præcept. De-  
cal. n. 48. in primo esse majorem malitiam, at-  
tamen intra eandem speciem.

§. 4. In detractione, judicio temerario vel 1098  
contumelia, non mutat speciem, quod dixerim  
hunc esse hæreticum, illum furem, istum fodo-  
mitam, Bonac. Sa, Castrop. Oviedo n. 27. Less. in  
Auct. v. Confessio. Casu 9. contra Suar. AZ. Salas,  
hinc satisfit dicendo, ter detraxi, ter temerè ju-  
dicavi in re gravi: Rationem dat Lugo De pœn.  
d. 16. num. 265., quia omnes detractiones acci-  
piunt malitiam ex eo, quod sint contra unum  
bonum famæ, sicuti furta ex eo, quod hædant  
fortunas, ergo sicuti furta sunt ejusdem speciei  
in ratione furti, sive bona hæc sive illa, sive hoc  
sive alio modo tollantur, dummodo vis per-  
sonæ non fiat, sic de ablatione famæ. Idem  
est, si detraxerim Sacerdoti, uti probabilius cum  
aliis tenet Tamb. n. 2. contra Steph. tr. 4. d. 6.

n. 5. qui cum aliis putat esse contra religionem  
& reverentiam illi statui debitam.

**1099** §. 5. Si detractio sit scandalosa aut damnosa  
in bonis fortunæ , additur nova species contra  
charitatem vel justitiam respectu juris ad bona  
fortunæ , ideoque hæc erunt in confessione  
addenda.

**1100** §. 6. Susurratio , quâ detrahendo pax turba-  
tur & causatur divulso animorum , differt spe-  
cie à detractione , quia specialiter opponitur  
charitati.

**1101** §. 7. Contumelia , quâ præsenti in faciem  
detraho, addit novam speciem, secundum dicta  
l. 3. p. 2. n. 1226. unde si lædebas famam alicu-  
jus absentis , & eo superveniente pergas eam  
lædere , sunt duo specie peccata , nempe de-  
tractio & contumelia , quia per contumeliam ra-  
pitur honor , per detractionem tollitur fama,  
quæ, quomodo distinguantur , dictum est l. 3.  
p. 2. à n. 1191.

**1102** Q. 148. Quomodo distinguenda sit species in  
peccatis contra præcepta Ecclesiæ. R. §. 1. Ejusdem  
speciei est die festivo exercere servilia & foren-  
sia , hinc qui uno festo serviliter laboravit &  
altero tulit sententiam in judicio , satisfacit di-  
cendo , bis per opus prohibitum graviter inho-  
noravi diem festum.

**1103** §. 2. Sive sit Dominica sive festum , item sive  
sit festum majus sive minus , non ideo muta-  
tur species , hinc qui die Paschæ & die S. Lau-  
rentii non audivit Missam , vel serviliter labo-  
ravit , satisfacit dicendo , bis die festivo non au-  
divi Missam , vel serviliter laboravi.

**1104** §. 3. Violatio jejunii per comedionem car-  
nium distinguitur specie à violatione per co-  
mestio-